

**Materialo.** 1 Krudaĵoj el kiuj oni povas produkti fabrikaĵojn : *brula* ~o ; *konstru-* ~o. 2 Cio, kio estas necesa por funkciado de entrepreno, ekspluatado, ofico ke : ~o de muelejo, de seĝejo, de panfarejo. 3 Cio materia, kio estas necesa por iu ajn ago : *manĝ* ~oj Z. 4 Ciuspecaĵ sciigoj, kiuj estas necesaj por verki libron, raporton ke aŭ por fari spiritan laboron : *la libro prezentos sufiĉe da* ~o por legi Z ; *ĉerpi* ~on el ies verko B ; ~o por raporto ; *tio donas* ~on por pripensado Z. ~a. 1 Rilata al ~o. 2 Perceptebla por la sentumoj, videbla k palpable, fakta, praktika, precipe mona : ~a pruvo ; *se mi havus la* ~an ebilon, mi prenus Z ; *gravan forton* ~an la tigo alportas al nia afero Z ; *sen rimedoj* ~aj ĉia afero povas progresi nur tre malrapide Z ; ~a mastro de Esp-o estas la tuta mondo Z ; subteni ~e la aferon Z ; ~a profito, malhelpo Z, privilegio Z ; la ~a vivo ; *realigi* kelkajn ~ajn plibonigojn ; *tio certigas al li la* ~an sendependecon. ~ismo Z. 1 § Doktrino, laŭ kiu la materio estas la principo de ĉio en la universo. 2 Kondutmaniero celanta en la vivo nur plezuron k ~ajn profitojn. **Historia** ~ismo. Doktrino, laŭ kiu nur la ekonomiaj faktoj regas la tuton de la socia, politika k spirita vivo.

\* **Matraco.** Granda plata remburita litkuseno.

**matrico** Z. 1 ♀ Gravurita metala bulo, peco aŭ muldilo, per kiu oni povas fabriki similajn pecojn per fandado, frapo, giso, premo : *monerojn oni frapas per* ~o. 2 (Ti) Formo por gisi litertipojn. 3 Kartona formo preme reproduktita de kompostajo k per kiu oni povas gisi stereotipojn. 4 (en galvanoplastiko) Formo, kiu kovriĝas per maldika tavolo de metalo. Vd PATRICO, UTERO.

**matrikulo** Z. Numero de la listo en kiu estas enskribitaj ĉiuj anoj de societo, organizo, administracio.

**matrono** Z. 1 Nobela patrino en antikva Romo. 2 Maturaĝa, alte respektinda sinjorino.

\* **Matura.** 1 Atinginta sian plenan kreskadon, forton, kapablon aŭ taŭgecon : ~a frukto, semo, homo, aĝo Z, spirito, talento. 2 (f) Plene esplorita, provita, finstudita : ~a projekto, diskutado Z ; *ne* ~a demando ; ~e *pripensita k orde voĉdonita decido* Z.

~eco. Stato de io aŭ iu ~a : *atesto pri* ~eco (diplomo donata al lernantoj, kiuj, fininte la gimnazian kursaron, sukcese plenumis la koncernan ekzamenon. Kp ABITURIENTO). ~igi. lgi ~a : ~iganta (viriganta) knabo : (f) *lia talento plene ~igis* ; (f) *la demando ne estas sufiĉe ~iginta* Z.

**Maŭzoleo.** Luksa tomba konstruo.

**Mazurko.** Speco de pola danco.

\* **Meblo.** Movebla objekto, plej ofte farita el ligno k servanta por praktika aŭ ornama uzo en loĝejo. ~i (tr). Provizi je ~oj. ~lsto. Tiu, kiu faras tablojn, seĝojn, ŝrankojn, litojn ks.

**mecenato** Z. Riĉa malavara favoranto de beleto, arto aŭ scienco.

\* **Meĉo.** 1 Speco de ŝnuro el brulebla k sorba materio, kiun oni metas en lampon aŭ en mezon de kandelao por konduki bruligotan substancon ĝis la flamo. 2 Speco de ŝnuro preparita por konduki fajron ĝis substanco, kiun oni volas eksplodigi de malproksime.

\* **Medalo.** Metala disketo surhavanta ambaŭflanke bildon, signojn aŭ surskribojn, stampita kiel memorajo pri grava okazintaĵo aŭ kiel honoraĵo al merita homo (Kp ORDENO. Vd FLANKO I).

\* **Medallono.** 1 Juveto en formo de plata malfermebla skatoleto, ordinare portata per ĉeno ĉe la kolo k en kiu oni konservas portreton, harojn kc. 2 ♣ Rondforma aŭ ovala bareliefo kun figuraĵo.

**Medio.** 1 Fizika ĉirkaŭaĵo en kiu vivas iu estaĵo aŭ okazas iu fenomeno : *ĉiu vivanta estaĵo nepre devas sin adapti al sia* ~o ; ~o *favora por la mikroboj*. 2 Tuto de la sociaj cirkonstancoj k rilatoj en kiuj iu persono agadas : *familia, politika, intelekta* ~o (Kp SFERO, ATMOSFERO, RONDO, KAMPO, REGIONO, INTERILATO, MEZO. Vd ELEMENTO).

**mediano** Δ. Rekta linio, kiu ligas verticon de triangulo kun la mezo de la opozita latero.

**Medicino.** Scienco pri sano k malsano, aplikata al kuracado. ~aĵo Z. Medikamento.

**medikago** ♄. Furaĝa herbo el la fam. de legumenacoj (*medicago sativa*). Vd LUZERNO.